



ბიულეტენი

აფხაზეთის სულიერებისა და კულტურის ცენტრის
ყოველთვიური საინფორმაციო ორგანო

№4 (22) აპრილი 2009 წელი



„ხეაგნაგობ“ წმინა აგაგნაგობ ხაგობ სხმა

„თეგორაჟის“ წმიდა გიორგის ჭაჭის ასლის დამთავრება



ბიულეტენი გამოდის ცხუმ-აფხაზეთის მიტროპოლიტ დანიელის (დათუაშვილის) ლოცვა-კურთხევით 2007 წლის ივლისიდან



ცხუმ-აფხაზეთის ეპარქიის სამწყსოს

ქრისტესმიერ საყვარელნო ძმანო და დანო, ქრისტეს აღდგომის მადლით, სინარულით და სიყვარულით აღესილი მოგილოცავთ და განხარებთ კაცთა მოდგმის უღიადეს გამარჯვებას,

ქრისტე აღდგა!

ჭეშმარიტად აღდგა!

აღდგა ქრისტე და შეიმუსრნენ ბჭენი ჯოჯოხეთისანი. იქ, სადაც სუფევს მადლი ქრისტესი, ბოროტება უძლურია.

მოიპოვეთ მადლი სულისა წმიდისა და თქვენს გარშემო ათასები ცხოვრების - გვასწავლის ეკლესია.

მაშ, მოვედით საყვარელნო ძმანო და დანო, ვინძიოთ სასუმელი ახალი და აღვივსოთ სინარულითა დაულევნელითა, რამეთუ ჩვენთან არს ღმერთი.

სიყვარულით თქვენთვის მლოცველი
ცხუმ-აფხაზეთის მიტროპოლიტი დანიელი

„ზოგრაფის“ წმიდა გიორგის სატი

2009 წლის 3 თებერვალს ათონის ზოგრაფის მონასტრის წმიდა გიორგის სასწაულთმოქმედი ხატის ასლი, სრულიად საქართველოს კათოლიკოს-პატრიარქის ილია II ლოცვა-კურთხევით აფხაზეთის სასულიერო და საერო პირებმა ათონის მთიდან ჩამოაბრძანეს. დელეგაციის შემადგენლობაში ცხუმ-აფხაზეთის მიტროპოლიტი დანიელი (დათუაშვილი) და აფხაზეთის მთავრობის თავმჯდომარე მალხაზ აკიშბაია იყვნენ. ხატის ასლი ათონის ზოგრაფის მონასტერში დაინერა. პატრიარქმა თხოვნით მიმართა ტაძრის საძმოს და ერთიანი გადაწყვეტილებით სამების ტაძრისთვის წმიდა გიორგის გამოსახულება ბულგარელმა ხატმწერმა შექმნა. ეს პირველი ასლია შექმნილი საგანგებოდ საქართვე-

ლოსათვის, როგორც ამ წმინდანის სამფარველო ქვეყნისათვის.

მეუფე დანიელი:

- ჩვენ ყველა ვლოცულობთ საქართველოს ერთიანობისათვის. რასაკვირველია, დღეს წმიდა გიორგის ხატის ჩამობრძანება ნიშნავს წმიდა გიორგის თანადგომას საქართველოსადმი, მის გაძლიერებას, და ჩვენ ღრმად გვნამს, რომ ამ ხატის ჩამობრძანება ხელს შეუწყობს საქართველოს სამშვიდობო გზაზე გამოსვლას, მისი გამთლიანების პროცესის წარმართვას სასიკეთოდ და მშვიდობის დამყარებას საქართველოში.

მალხაზ აკიშბაია, აფხაზეთის მთავრობის თავმჯდომარე:

- საქართველო ვერ იქნება ძლიერი, თუ ჩვენ ვერ დავიბრუნებთ იუ-

რისდიქციას აფხაზეთსა და სამაჩაბლოში, შესაბამისად, სიმბოლურია, რომ ამ ღონისძიებაში მონაწილეობა მიიღო აფხაზეთის სასულიერო და საერო ხელმძღვანელობამ. დარწმუნებული ვარ, რომ წმიდა გიორგი მოუტანს ქართველ ერს მშვიდობას, ერთიანობას, ერთსულოვნებას, რაც აუცილებელია იმ დიდ საქმეებში გამარჯვების მისაღწევად, რომელიც ჩვენ გველოდება ქვეყნის ტერიტორიული მთლიანობის აღდგენაში.

საქართველოში ათონიდან ჩამობრძანებული ხატი წმიდა გიორგის ხატის ზუსტი ასლია და მასზე მუშაობა ბოლო ერთი წლის განმავლობაში მიმდინარეობდა. წმიდა გიორგის მსწრაფლშემწე ხატი სამების საკათედრო ტაძარში დააბრძანეს.

„ზოგრაფის“ წმიდა გიორგის ხატის ისტორიულად

ბერძენი იმპერატორის ლევ ბრძენის მეფობის ჟამს, 919 წელს, სამამაძამ — მოსემ, აარონმა და ბასილიმ მიიღეს მონაზვნობა და დამკვიდრდნენ ათონის მთაზე. ძმებმა მცირე ზომის ეკლესია ააშენეს, მაგრამ ვერ შეთანხმდნენ, რომელი წმინდანის სახელი ეწოდებინათ მისთვის და ვისი ხატი დაეწერათ მომზადებულ დაფაზე. მათ გადაწყვიტეს ეთხოვათ ღვთისათვის, რომ განეცხადებინა მისი ყოვლადწმიდა ნება და განმარტოვდნენ სენაკებში სალოცავად. შუალამისას ღმრთეებრივმა ნათელმა მოიცვა ტაძარი და გარემო მიდამოს მოეფინა. დილით კი ტაძარში შესულებს საოცარი სურათი წარმოუდგათ თვალწინ: დაფაზე დაწერილი იყო წმინდა გიორგის ხატი. სწორედ მისგან მოდიოდა ღამით ზეციური ნათელი და განაბრწყინებდა მათ სამყოფელს, რომელსაც, ამ ხატის მიხედვით, დაერქვა „ზოგრაფის“ (ფერმწერის) მონასტერი.



მათგან განშორებული ხატი წმიდა გიორგისა და აღარ ისურვეს ხატთან განშორება. იმ დროიდან დიდმონამის ხატი დაუსრულებელ სასწაულთა წყაროდ შეიქმნა, რომლის თავყვანისსაცემად „ზოგრაფში“ აურაცხელმა ხალხმა იწყო დენა.

განსაკუთრებით ყურადღების ღირსია ამ ხატზე აღსრულებული ერთი სასწაული. ერთ-ერთი ეპარქიის ეპისკოპოსმა (გადმოცემით ვოლინისა), რომელმაც იცოდა წმინდა გიორგის ხატის მიერ აღსრულებული სასწაულები, მოინდომა შეემონებინა მათი ჭეშმარიტება და ამ მიზნით ათონს გაემგზავრა. მან, ნაცვლად იმისა, რომ თავმდაბლად მიახლებოდა ხატს თავყვანისსაცემად, კადნიერად იკითხა: „ეს არის განა თქვენი საკვირველთმოქმედი ხატი?“ და საჩვენებელი თითი შეახო დიდმონამის ლოყას... ღმრთის რისხვამ არ დააყოვნა; წმიდა გიორგიმ სასტიკად დასაჯა ეპისკოპოსი, მისი თითი ხატს შეეზარდა. ამაოდ ცდილობდა თავზარდაცემული და განცვიფრებული მღვდელმთავარი მის მოგლეჯას ხატიდან. უბედური იძულებული გახდა დაეთმინა მტანჯველი ოპერაცია; მას თითი მოაჭრეს (თითის წვერი დღემდე ხატზე იმყოფება). ამგვარად დარწმუნდა ეპისკოპოსი წმინდა დიდმონამე გიორგის ხატის ჭეშმარიტ საკვირველთმოქმედებაში.

სწორედ ამ დროს, პალესტინაში, ფანუელის მონასტერში, წმინდა გიორგის ხატი საძმოს თვალწინ თავისით მოსცილდა დაფას და გაუჩინარდა. შეძრწუნებული ბერები ევედრებოდნენ უფალს, რათა გაემხილა, თუ სად გაუჩინარდა მათი მფარველის საკვირველთმოქმედი ხატი. ღმერთმა შეისმინა მათი ლოცვა და თვით წმინდა გიორგი მოუვლინა ილუმენს საწუ-

გემოდ. „ნუ სწუხართ ჩემზე, მე ვპოვე ჩემთვის ტაძარი ღმრთის დედის წილხვედრ მხარეში, ათონზე. თუ გნებავთ, თქვენც მიაშურეთ იმ მხარეს; რამეთუ ღმრთის რისხვა მზად არის თავს დაატყდეს გარყვნილ პალესტინას!“ სანამ ღმრთის სამართლიანი რისხვა ბარბაროსების სახით თავს დაატყდებოდა იმ მხარეს, ბერები გაემგზავრნენ ილუმენთან ერთად წმინდა მთაზე, სადაც ერთ-ერთ სავანეში აღმოაჩინეს

ყოყლი შარტავა - 65



ყოყლი შარტავა — საქართველოს ეროვნული გმირი, პოლიტიკური და სახელმწიფო მოღვაწე დაიბადა სენაკში, პედაგოგების, კალისტრატე და ნინო (ფენია) შარტავების ოჯახში. ოქროს მედალზე დაამთავრა სენაკის მეორე საჯარო სკოლა, რომელიც დღეს მის სახელს ატარებს. სკოლის დამთავრების შემდეგ ფიზიკის პედაგოგის რჩევით ჩააბარა პოლიტექნიკურ ინსტიტუტში. დაამთავრა ავტომატიკისა და გამოთვლითი ტექნიკის ფაკულტეტი. უწინასწარმეტყველებდნენ სამეცნიერო კარიერას, მაგრამ ინსტიტუტში შეუმჩნეველი არ დარჩენიათ მისი ორგანიზატორული ნიჭი და პოლიტექნიკური ინსტიტუტის კომკავშირის მდივნად აირჩიეს. ამავე პერიოდში მუშაობდა სანეპიდსადგურში მუშად, შემდეგ იყო თბილისის ქარხანა „ელექტროგამშვების“ ამწყობი.

საოცარი სისწრაფით წარიმართა მისი პოლიტიკური კარიერა: 1973 წლიდან იყო საქართველოს ალკვ ცენტრალური კომიტეტის მეორე მდივანი, შემდეგ პირველი მდივანი. მას ახასიათებდნენ, როგორც პატიოსანს, საქმისადმი ერთგულებით გამოირჩეულ, გულწრფელ და ამავე დროს დიდი ავტორიტეტის მქონე ადამიანს. ამ თანამდებობაზე მან 8 წელი იმუშავა და ბევრი ნოვატორული წამოწყება ბოლომდე მიიყვანა. მისი თაოსნობით შეიქმნა შემოქმედებითი ახალგაზრდობის რესპუბლიკური ცენტრი, ახალგაზრდა მეცნიერთა კლუბი, დიდ ყურადღებას აქცევდა სპორტული ორგანიზაციების ჩამოყალიბებასა და განვითარებას. გამოირჩეოდა სამართლიანობის გრძნობით, თუმცა სიმართლე მაშინ არცთუ ადვილი სათქმელი იყო: „სულ სხვა გზა მქონდა არჩეული, ვფიქრობდი, სპეციალობაში ჩემს სიტყვას ვიტყვოდი, სინამდვილეში კი ხშირად ბევრი ისეთი რამის მტკიცება მიხდებოდა, რომელიც ჩემს შინაგან მრწამსს ეწინააღმდეგება. განა ადვილი ასატანია ამდენი ჯიჯღინი, ჩხუბი და კამათი ჩემი მხრიდან, რა გამოძლებს მე ასე დიდხანს, მითუმეტეს, თუ ცხოვრება სიბერემდე დამცალდა.“ — ამბობდა ყოყლი შარტავა, თუმცა სხვაგვარად არ შეეძლო... მისი ნიჭი და უნარი, აღმშენებლური ენერჯია და სულიერი სიმტკიცე გამორჩეულად გამოვლინდა კომკავშირული ქსელის მშენებლობის პერიოდში. საქართველოს მინისტრთა საბჭომ ამ მიზნით გამოყო თელეთის საექსპოზიციო სახლი და მისი მიმდებარე ტერიტორია 12 ჰექტარი, აუთვისებელი და ხრიოკი მინდვრები, სადაც უნდა დაარსებულიყო კომკავშირული სკოლა. როცა ყოყლიმ თელეთში გამოყოფილი შენობა

და მისი ტერიტორია დაათვალიერა, გადწყვიტა ახალგაზრდული კომპლექსის ეტაპობრივი მშენებლობის პროგრამა შეექმნა. კომკავშირულ ქსელს მთელი საქართველოს ახალგაზრდობა აშენებდა. ეს პროექტი საკავშირო კომკავშირის პრემიით დაჯილდოვდა. ყოყლი შარტავა ამბობდა, რომ ჯილდო საქართველოს მთელ ახალგაზრდობას ეკუთვნოდა.

1978 წელს საბჭოთა საქართველოში ახალი კონსტიტუცია უნდა მიეღოთ. ამ კონსტიტუციის 75-ე მუხლი ითვალისწინებდა ქართული ენის შეზღუდვას. წინასწარი განხილვის დროს, სტუდენტები ყოყლი შარტავას პოზიციით დაინტერესდნენ: „ნუ გგონიათ, რომ თქვენზე ნაკლებად ვიცით ხალხისათვის თავგანწირვა... ჩვენს ყოფნას ამ თანამდებობებზე რა ფასი აქვს, ბუნებრივია, თქვენს გვერდით ვიქნებით“ - ასეთი იყო მისი პასუხი. 14 აპრილს 75-ე მუხლი კონსტიტუციიდან ამოიღეს, შემდგომში კი ეს დღე „ქართული ენის დღედ“ გამოცხადდა.

1980 წლიდან ყოყლი შარტავა საქართველოს კომპარტიის ცენტრალური კომიტეტის პროპაგანდისა და აგიტაციის განყოფილებას ჩაუდგა სათავეში. ამ პერიოდში მისი თაოსნობით დაწესდა „ხსოვნის დღე“, რომელიც დღესაც აღინიშნება. დაიწყო პიონერული ქსელის „მზიურის“ მშენებლობა, მაგრამ 1985 წელს საქართველოში ხელისუფლების ცვლილებამ (ედუარდ შევარდნაძე შეცვალა ჯუმბერ პატიაშვილმა), გამოიწვია მისი გადასვლა ქალაქ რუსთავეში. ხელისუფლებამ ყოყლი შარტავას წინააღმდეგ დაიწყო ყოვლად გაუმართლებელი კამპანია — დაჩქარდა მისი წასვლა ჯერ რუსთავიდან, შემდეგ კი რესპუბლიკიდან. არც ამ დროს დაუკარგავს მხნეობა. ერთ წელიწადში დაამთავრა მოსკოვის დიპლომატიური აკადემია. 1990 წელს საქართველოში დაბრუნდა. ეს ის პერიოდი, როდესაც საქართველო იბრძვის დამოუკიდებლობისათვის. ყოყლი შარტავა კვლავ ცილისწამების მსხვერპლი ხდება, მის წინააღმდეგ ვრცელდება პროკლამაცია: „ყოყლი შარტავა ჩამოსულია თბილისში და ეწევა დიდ მუშაობას, რათა თავისი მომხრეების საშუალებით მიადნოს საქართველოს კომპარტიის პირველი მდივნის პოსტს და კრემლს ჰპირდება საქართველოში ეროვნული მოძრაობის ჩახშობას.“ მართალია, ერთხანს საქართველოს სახალხო კონტროლის კომიტეტის თავმჯდომარის თანამდებობაზე მუშაობდა, მაგრამ ზენოლის გამო დატოვა სამსახური.

უმუშევრობის პერიოდში მან დაწერა და დაიცვა დისერტაცია. 1992 წელს რუსთაველთა თხოვნით, ყოყლი შარტავამ კენჭი იყარა ახალი მოწვევის პარლამენტში და ხმათა 90 % მიიღო. 1993 წლის 18 ივლისს იგი ინიშნება აფხაზეთის ავტონომიური რესპუბლიკის თავდაცვის საბჭოსა და მინისტრთა საბჭოს თავმჯდომარედ. აფხაზეთის ომის დროს არ დატოვა სოხუმი, ბოლომდე იცავდა მას სეპარატისტებისაგან. 1993 წლის 27 სექტემბერს, სოხუმის დაცემის დღეს, ყოყლი შარტავა დახვრიტეს...

რამდენიმე დღით ადრე სატელეფონო საუბარში თავისი განცდები მეგობარს გაუზიარა: „ბოლომდე ვიბრძოლებო, ვიდრე შეგვიძლია და თუ სიკვდილი გვინერია, არც ეს უნდა იყოს დიდი ტრაგედია. ისეთი ბიჭები იხოცებიან, ძნელია ამის შემყურემ სიცოცხლეზე იფიქრო. რას იზამ, ბედისწერას ვერ გაქცევი.“ მოლაპარაკების შემდეგ მისი ცხედარი ქართულ მხარეს გადაეცა. დაკრძალულია თბილისში, ვაკის სასაფლაოზე. მინიჭებული აქვს „დიდგორისა“ და „ვახტანგ გორგასლის“ პირველი ხარისხის ორდენები, 2004 წელს კი ეროვნული გმირის წოდება მიენიჭა.

9 მარტს, ვაკის სასაფლაოზე, აფხაზეთის მთავრობამ და აფხაზეთიდან დევნილმა საზოგადოებამ კიდევ ერთხელ გაიხსენა საქართველოს ეროვნული გმირი, 1993 წელს აფხაზეთის ავტონომიური რესპუბლიკის მინისტრთა საბჭოს თავმჯდომარე, ყოყლი შარტავა, რომელსაც წელს 9 მარტს 65 წელი შეუსრულდებოდა. ცხუმ-აფხაზეთის მიტროპოლიტმა მეუფე დანიელმა ყოყლი შარტავას სულის მოსახსენიებელი პანაშვიდი გადაიხადა.

12 მარტს კოტე მარჯანიშვილის სახელობის სახელმწიფო დრამატულ თეატრში, აფხაზეთის ავტონომიური რესპუბლიკის მთავრობის ორგანიზებით, ყოყლი შარტავას 65 წლის იუბილესთან დაკავშირებით ხსოვნის საღამო გაიმართა. საღამოს, რომელიც დადგა საქართველოს სახალხო არტისტმა გიორგი ქავთარაძემ და მიჰყავდათ გიორგი ქავთარაძესა და საქართველოს სახალხო არტისტ დიმიტრი ჯაიანს, დაესწრო ცხუმ-აფხაზეთის მიტროპოლიტი დანიელი (დათუაშვილი).

ჩახუჩრი მუსიკის ბენიანი



კლასიკური მუსიკის ერთ-ერთი ბრწყინვალე წარმომადგენლის ბედრუხის სმეტანას ცხოვრებისა და მოღვაწეობის შესახებ საუბარი „სულიერებისა და კულტურის ცენტრის“ თავმჯდომარე სვეტლანა ქეცეხაძე ჩეხეთის ისტორიის ტრაგიკული თარიღით -1620 წელს თეთრ მთასთან ბრძოლაში დამარცხებით (რასაც შედეგად ჩეხეთის სახელმწიფოებრიობის დაკარგვა და ავსტრიელთა ძალაუფლების ქვეშ მოქცევა მოჰყვა) დაიწყო.

300 წელი გრძელდებოდა ქვეყნის მძიმე მდგომარეობა. ჩეხეთის ბევრი გამოჩენილი მოღვაწე იძულებული გახდა მიეტოვებინა მშობლიური ქვეყანა და მოღვაწეობა ევროპის სხვადასხვა ქვეყნებში გაეგრძელებინა. ისინი დიდ როლს ასრულებდნენ ევროპის კულტურის, განსაკუთრებით მუსიკალური ხელოვნების, განვითარების საქმეში. საკმარისია გავიხსენოთ ისეთი სახელები, როგორიცაა მისლივეჩეკი — ჩეხ მოცარტად რომ იქნა წოდებული, ან სტამიცი — მეთაური მანჰაიმის მუსიკალური სკოლისა (ვენის კლასიკური სკოლის წინამორბედი, რომელიც იყო წარმოდგენილი ჰაიდნის, მოცარტისა და ბეთჰოვენის სახელებით). ქვეყნის შიგნითაც გრძელდებოდა სულიერი ცხოვრება. ყველაფერი ხელს უწყობდა გენიოსის მოვლინებას, რომელიც შეძლებდა შეექმნა შემოქმედება — ორგანული ნაზავი ფოლკლორის, ხალხური-საყოფაცხოვრებო სანყისის, ამალღებულ-პოეტური იდეურობის და რეალიზმისა. ასეთი გენიოსი გახდა ბედრუხის სმეტანა.

სმეტანა დაიბადა პატარა ქალაქ ლიტომიშლეში. იგი ადრევე გაეცნო ხალხურ შემოქმედებას და 4 წლისამ დაიწყო მცადინეობა მუსიკაში. ერთი წლის შემდეგ უკვე უკრავდა ჰაიდნის კვარტეტებში, 6 წლიდან გამოდიოდა, როგორც პიანისტი. 24 წლის სმეტანა უკვე სრულად ფლობს საკომპოზიტორო ტექნიკას. ახალგაზრდობის წლებში განიცდის შუმანის, მენდელსონის, და განსაკუთრებით, შოპენის გავლენას. ამ უკანასკნელთან დაკავშირებით ის წერდა: „როცა გავეცანი და ჩავწვი მის ნაწარმოებებს, ჩემთვის ნათლად გამოიკვეთა მომავალი შემოქმედებითი ამოცანები.“

საინტერესოა, თუ როგორ აფასებს სმეტანას ახალგაზრდულ ნაწარმოებებს ფერენც ლისტ: „თქვენს პიესებს მივიჩნევ საუკეთესოდ მათ შორის, რომლებსაც კი ბოლო დროს გავეცანი.“

1848 წლის რევოლუციამ სმეტანა რევოლუციურ-პატრიოტული სახეების სამყაროში შეიყვანა. ის ქმნის ფორტეპიანოსათვის „ორ რევოლუციურ მარშს“, გუნდისა და ფორტეპიანოსათვის „თავისუფლების სიმღერას“ და სხვ. ეს თემები ყველაზე უფრო მკაფიოდ გამოიხატა მის „საზეიმო სიმფონიაში“ (1853 წ.).

გიოტებორგში (შვეიცია) ცხოვრების წლებში სმეტანას მსოფლმხედველობაში გარდატეხა შეიმჩნევა, იზრდება მისი ოსტატობა, მყარდება ეროვნული იდეები, სამშობლოს განშორებით გამოწვეული სევდა ეხმარება მას უფრო ღრმად შეიგრძნოს თავისი მონოდება, როგორც ეროვნული ხელოვანისა.

1861 წელს სმეტანა ბრუნდება პრღაში, რომელიც შემდეგ აღარასოდეს დაუტოვებია. იწყება მისი მრავალმხრივი, ინტენსიური მოღვაწეობა. თითქმის უკვე ყრუ, ერთი მეორის მიყოლებით ქმნის ის ოპერებს, რომელთა შორის „გაყიდული საპატარძლო“ მსოფლიო საოპერო თეატრების რეპერტუარში ღირსეულ ადგილს იმკვიდრებს.

დაძაბული მუშაობა, არაკეთილმოსურნეთა მხრიდან დევნა სასმენი ნერვების დაავადების, ტრაგიკული სიყრუისა და სიკვდილის მიზეზი ხდება.

1884 წლის 23 აპრილს იგი გარდაიცვალა.

ხელოვნების ისტორიაში ბედრუხის სმეტანა შევიდა, როგორც დიდი ჩეხი ხელოვანი. უდავოა მისი წვლილი ჩეხური მუსიკის განვითარების საქმეში. ეს მისი მიმდევრების, განსაკუთრებით მისი უმცროსი თანამედროვის ანტონ დვორჟაკის შემოქმედებაში შეიგრძნობა. დვორჟაკის მუსიკამ გადალახა ჩეხეთის საზღვრები და მშობლიურ ქვეყანას ისეთივე დიდება მოუტანა, როგორც სმეტანამ.

საქართველოსთვის სმეტანას სახელი არის და მარად იქნება ძვირფასი და ახლობელი მისი გასაოცარი შე-

მოქმედების წყალობით, აგრეთვე იმ მეგობრული კავშირების მეშვეობით, რომელიც წლების მანძილზე გრძელდება საქართველოსა და ჩეხეთს შორის, დაწყებული ჯერ კიდევ იოსებ რატილიდან, რომელიც საქართველოში ქართული კულტურის გამოჩენილ მოღვაწედ არის შერაცხული.

კომპოზიტორის გარდაცვალებიდან 125 წლისთავისადმი მიძღვნილი შეხვედრა 20 მარტს ჩატარდა. მასში „სულიერებისა და კულტურის ცენტრთან“ ერთად მონაწილეობდა ჩეხეთის რესპუბლიკის საელჩო საქართველოში, ჩეხური სათვისტომო „ზღაბა პრღა“ და თბილისის ვანო სარაჯიშვილის სახელობის სახელმწიფო კონსერვატორია. საკონცერტო პროგრამა, რომელშიც ჟღერდა ჩეხურ-ქართული მუსიკა, დასრულდა ბედრუხის სმეტანას ცეკვებით ოპერიდან „გაყიდული საპატარძლო“ გადაღებული ფორტეპიანოსათვის. შესრულებული ნაწარმოების მელოდიამ საღამოზე დამსწრე ჩეხეთის სათვისტომოს ერთ-ერთ წარმომადგენელს ჩეხ ვლადისლავ დროვიცს გაახსენა ეპიზოდი თავისი ცხოვრებიდან, როცა მშობლებმა ის პირველად, 10 წლის ასაკში, ოპერის თეატრში წაიყვანეს „გაყიდული საპატარძლო“ მოსასმენად. სწორედ თამუნა მიდელაშვილის (პედაგოგ ა. გარბერის კლასი), მიერ დაკრულმა ნაწარმოების მელოდიამ მოახდინა მასზე განსაკუთრებული შთაბეჭდილება და რათა საღამოზე მყოფ საზოგადოებას უკეთ შეეგრძნო ამ მელოდიის სურნელი, თავად იმღერა კიდევ ეს ხალხური სიმღერა ჩეხურ ენაზე.

საღამოს გამართვის გამო საქართველოში ჩეხეთის სათვისტომოს თავმჯდომარემ ჰაროლდ შმალცელმა მადლობა გადაუხადა მონაწილეებს და მსმენელთა აუდიტორიას.

მუსიკალურ-პოეტური საღამო

10 მარტს აფხაზეთის სულიერებისა და კულტურის ცენტრში თავი მოიყარეს აფხაზეთიდან დევნილმა, აგრეთვე საქართველოში მცხოვრები სხვადასხვა დიასპორების ქალბატონებმა და მოწვეულმა მამაკაცებმა. მუსიკალურ-პოეტური საღამოთი აღნიშნეს მათ დედისა და ქალთა საერთაშორისო დღეები.

უცხოელი და ქართველი პოეტების ქალებისადმი მიძღვნილი ლექსები წაიკითხეს ცენტრის თავმჯდომარემ, მუსიკისმცოდნე სვეტლანა ქეცბამ და მწერალმა, თავმჯდომარის მრჩეველმა ციციანო ჯულუხიძემ. საღამოზე ცნობილმა ქართველმა პიანისტმა, საერთაშორისო კონკურსების მრავალჯობის ლაურეატმა თამარ ლიჩელმა შეასრულა შოპენისა და ლისტის ნაწარმოებები; მაროს არია ფალიაშვილის ოპერიდან „დაისი“ და რახმანინოვის რომანსი „ნუ მიმღერ, ლამაზო“ — თბილისის ზაქარია ფალიაშვილის სახელობის ოპერისა და ბალეტის სახელმწიფო აკადემიური თეატრის სოლისტმა მარინა ფარულავამ კონცერტმაისტერ ირინა ამბრიაშვილთან ერთად.

პოეზიასა და მუსიკას საღამოზე ენაცვლებოდა ქალბატონების: მედეა ამირანაშვილის, როზა კუხალაშვილის, ნატრული გეგეჭკორის, ნუნუ ბურჭულაძის, რუსუდან ქუთათელაძის, ლიუ-ყანდარელი კუანგვენის, მარია ფილინას, გერმანელთა ასოციაცია „აინუნგის“ თავმჯდომარე ჰარი აუგსტის და სხვათა გამოსვლები.

მარია ფილინა პოლონეთის საზოგადოება „პოლონიას“ ხელმძღვანელი, ივანე ჯავახიშვილის სახელობის თბილისის სახელმწიფო უნივერსიტეტის პროფესორი:

— მინდა მადლობა ვუთხრა ქალბატონ სვეტლანას იმ ატმოსფეროსათვის, რომელიც თითოეულმა ჩვენგანმა შევიგრძენით. აქ წარმოქმული ლექსებითა თუ მუსიკალური ნაწარმოებებით ჩვენ დავვიწყეთ ის გასაჭირი და, შეიძლება ითქვას, აგრესიულობის ჩრდილი, რაც ბოლო წლების მანძილზე ჩვენი ცხოვრების თანამდევია იყო. ეს თუნდაც დღეს ქალბატონ სვეტლანას ხმის

ტემბრშიც გამოიხატა. მინდა დღევანდელი დღე მივულოცო დედებს და განსაკუთრებით ქალბატონ ნუნუ ბურჭულაძეს, ვინაიდან მან აღზარდა შვილი, რომელიც არამარტო ხელოვნების, არამედ საზოგადო მოღვაწეობით ჩვენი ყველას ცხოვრების საკუთრება გახდა. მინდა გისურვოთ, რომ ვიყოთ ქალები ამ სიტყვის საუკეთესო გაგებით.

როზა კუხალაშვილი, აფხაზეთის ეკონომიკის სამინისტროს სტატისტიკის სამმართველოს უფროსი:

- ამ საღამოსათვის განსაკუთრებით მადლობა მინდა ვუთხრა ქალბატონ სვეტლანას და მთელ მის კოლექტივს. აქ ქალბატონმა მედეა ამირანაშვილმა გაიხსენა აფხაზეთი, ჩვენი დიდი ტკივილი. მინდა ვთქვა, რომ თუ დედაქალაქი და მთლიანად საქართველო არის ძალიან ტოლერანტული, ეს უფრო მკაფიოდ იყო გამოხატული აფხაზეთში, სადაც ასამდე ეროვნების ადამიანი ცხოვრობდა. და ყველგან - სკოლაში, სამსახურში თუ სხვაგან - ჩვენ მუდამ კომფორტულად ვგრძნობდით თავს ერთმანეთის გვერდით და ძალიან დასანანი, რომ ამ კონფლიქტს მიეცა ეროვნული შეფერილობა, რაც სინამდვილეს არ შეეფერება. როგორც ჩანს, ჩვენმა თაობამ ვერ გამოიჩინა სიბრძნე, წინდახედულება და ეს მარტო ჩემი აზრი არ არის.

ერთმა აფხაზმა მამაკაცმა, რომელსაც ომის შემდეგ ერთ-ერთ შეხვედრაზე გავესაუბრე, თქვა: „დასანანია, რაც მოხდა და ჩვენმა თაობამ ყველაფერი უნდა ილონოს, რათა ეს პრობლემა მოსაგვარებლად შთამომავლობას არ დაუტოვოს.“ უცხოელები გაცილებული არიან ხოლმე, როდესაც ქართულ-აფხაზურ შეხვედრებზე ჩვენ გულთბილად ვხვდებით ერთმანეთს და მხოლოდ მშვიდობიან თანაცხოვრებას ვაპირებთ. დღეს აქ ბევრი ითქვა ბატონ პაატა ბურჭულაძეზე. მინდა დავამატო, რომ 3 მარტს, როდესაც „იავნანას“ საქველმოქმედო კონცერტი მიმდინარეობდა, დათვლა რომ შეიძლებოდა, შემოსულ სატელეფონო ზარებში ძალიან დიდი ხვედრითი წილი ექნებოდა დევნილთა ზარებს, რომლებიც თვითონ უბინაონი არიან. მე ერთ-ერთ კომპაქტურ ჩასახლებაში ვცხოვრობ და თავად ვარ ამის მონაწილე. და კიდევ ერთი: ისეთი იდეა, რაც ბატონ პაატას გაუჩნდა, ჩვენს ხელისუფლებას რომ მოსვლოდა თავში 16 წლის წინ, დარწმუნებული ვარ, დღეს საქართველოში არც ერთი უბინაო ადამიანი აღარ იქნებოდა, რადგან მოყვასის თანადგომა არა მარტო ქართველისათვის, არამედ საქართველოში მცხოვრები ყველა ადამიანისათვის, ცხოვრების წესია.



„ჭირველად იყო სიტყვა...“

... ყოველი საიდუმლო
ამას ენასა შინა დამარხულ არს“
იოანე ზოსიმე

ქართული პოეზიის მარჯალიტები

ირაკლი ავაშიძე – 100

ხმა კაცდმონთან

ო, ენავ ჩემო,
დედაო ენავ,
შენ, ჩვენო ნიჭო,
სრბოლაჲ და ფრენავ,
შენ, ჩვენი სუნთქვის დიდო ალამო,
შენ, ჭირთა ჩვენთა ტკბილო ძალამო,
შენ, კირო ჩვენთა ქვათა და კირთა,
შენ ერთი შეძრჩი სამარის ზირთან.
ნათესავს ათასს
მეგობარს ათასს,
მრუდსა და მართალს,
მტერთა და ძმათა
დაჴმორდი,
მორჩა,
ვეველს მოთავდა,
მძვიდობა ვუთხარ ვველს მოჴვდავთა,
მხოლოდ შენ უკვდავს,
მხოლოდ შენ ძარადს,
შენ — ერთს,
შენ ვერ ვთმობ
სამარის კარად.
თუ რამ მზე მწამდა,
თუ რამ მზე მწავდა,
უტკბილეს დღეთა
უტკბილეს წამთა,
უტკბესი შენ ხარ, ენავ დედაო,
შენ, მწარე ღვინო,
ტკბილო სეუდაო,
შენ, უფლის მთქმელო,
უფლის არ მთქმელო,
შენ, ვძირთა ვძირო,
ბრძენო ქართველო,

წარსულის ძეგლო, წინ გამხედავო.
ქვესუნელში მძროძო,
ცაში მჭვრეტელო.
ხან — ფუნჯო ჩემო, ხან - საჭრეთელო,
შენ, აკვნის ჰიმნო,
ცრემლო სამარის,
იბერის ენავ,
ენავ თამარის.
შენ, ნიჭო ჩემო,
სრბოლაჲ და ფრენავ,
დედაო ენავ, დედაო ენავ!
დაეცეს, იქნებ, სიმაგრე ვველა,
მოისრას, იქნებ, ვველა უმა ვველად,
დაედოს მტვერი ვველა დიდ სსოვნას,
დააკვდეს ხარი ნაჴოვნის ჴოვნას.
უოველ ნერვს, იქნებ, დაატედეს მენი,
უოველ ძეგლს, იქნებ, დაედვას ფენი,
მხოლოდ შენ უტკბობს,
შენ, ხატად ქცეულს,
რა დრო, რა დასცემს
შენს უკვდავ სსეულს?
ო, ენავ ჩემო,
დედაო ენავ,
შენ, ჩემო ნიჭო,
სრბოლაჲ და ფრენავ,
შენ, ჩვენი სუნთქვის დიდო ალამო,
შენ, ჭირთა ჩვენთა ტკბილო ძალამო,
შენ, კირო ჩვენთა ქვათა და კირთა,
შენ ერთს,
შენ ვერ ვთმობ
სამარის ზირთან.

საეკლესიო კალენდარი

- 3 მაისი — აღდგომიდან მე-3, მენელსაცხებლუ დედათა კვირა.
— ხსენება კეთილმორწმუნე ქართველთა მეფის თამარისა (1213 წ.) (გარდამავალი დღესასწაულია);
- 6 მაისი (ოთხშ.) — ხსენება წმიდისა დიდებულისა, დიდისა მონამისა, ძლევაშემოსილისა და საკვირველთმოქმედისა გიორგისა (303 წ.);
- 8 მაისი (პარ.) — ხსენება წმ. მოციქულისა და მახარებელისა მარკოზისა (63 წ.);
- 10 მაისი — აღდგომიდან მე-4, განრღვეულის კვირა;
- 12 მაისი (სამშ.) — ხსენება წმიდისა და ყოვლადქებულისა მოც. ანდრია პირველწოდებულისა, საქართველოში ქრისტეს პირველმქადაგებელისა;
- 13 მაისი (ოთხშ.) — ერგასის განზოგება (ზატიკის პერიოდის განშვალება)
— ხსენება მოც. იაკობ ზებედესი — წმ. იოანე ღმრთისმეტყველის ძმისა (44 წ.)
— ხსენება წმ. ეგნატე ბრიანჩანინოვისა (1867 წ.);
- 14 მაისი (ხუთშ.) — ხსენება კეთილმორწმუნე ქართველთა მეფისა თამარისა (1213 წ.);
- 17 მაისი — აღდგომიდან მე-5, სამარიტელის კვირა;
- 18 მაისი (ორშ.) — ხსენება დიდმონამე ირინესი (I-II)
- 20 მაისი (ოთხშ.) — ხსენება სასწაულისა პატიოსნისა ჯვრისა, რომელი გამოცხადდა ცასა შინა იერუსალიმს (351 წ.)
— ხსენება ღირ. იოანე ზედაზნელისა და ათთორმეტთა მისთა მონაფეთა;
- 21 მაისი (ხუთშ.) — ხსენება წმ. მოციქულისა და მახარებელისა იოანე ღმრთისმეტყველისა (98-117 წ.);
- 22 მაისი (პარ.) — აღმოყვანება ნაწილებისა წმ. ნიკოლოზ საკვირველთმოქმედისა მირონ-ლუკიიდან ბარში (1087 წ.)
— ხსენება წინასწარმეტყველი ესაიასი (VIII ს. ქრ. წინ);
- 24 მაისი — აღდგომიდან მე-6, ბრმის კვირა
- 28 მაისი (ხუთშ.) — (აღდგომიდან მე-40 დღე)
— ამალლება უფლისა ჩვენისა იესო ქრისტესი;
- 31 მაისი — აღდგომიდან მე-7, პირველი მსოფლიო კრების წმიდა მამათა კვირა;
— შვიდი მსოფლიო კრების წმიდა მამათა კვირა.

ჩვენი მოძღვარი

(კითხვა-პასუხი სულიერი ცხოვრების შესახებ)

— რას ვიტყვით მომეტებულ სიცილის შესახებ?

— წმ. ნილოს სინელის შეგონებით მომეტებულ სიცილს უნდა ვერიდოთ, რადგან „იგი სულს აუძლურებს, ხოლო მოუძლურებელი სული ადვილად იხსნის კანონის უღელს“.

შენიშვნა: კანონში იგულისხმება ის ლოცვები და მორჩილებები, რაც მოძღვარმა განუწესა მორჩილს.

— თუ ესა თუ ის ადამიანი გვაბრკოლებს, როგორ მოვიქცეთ ამ შემთხვევაში?

— წმ. ტიხონ ზადონელი ასე გვმოდგვრავს:

— „ნუ უყურებთ სხვა ადამიანებს, რასაც არ უნდა სჩადიოდნენ, ან როგორებიც არ უნდა იყვნენ ისინი. არამედ ღვთის სიტყვას მიაპყარით სმენა;

— „იფიქრეთ და მიჰბაძეთ მაცხოვრის წმიდა ცხოვრებას; იგი გვასწავლის, თუ როგორ უნდა ვიცხოვროთ, რათა სათნო ვეყოთ მას;

— „სმენა და მზერა მოარიდეთ მავნე საგნებს, რადგანაც მათი მეშვეობით ყოველგვარი ბოროტება შემოდის ჩვენს გულში;

— „ხშირად ილოცეთ, გულშემუსრვილნი ევედრეთ ღმერთს, საცდურისაგან რომ განგარიდოთ: „მოაქციენ თვალნი ჩემნი, რათა არა იხილონ ამაოება და გზასა შენსა მაცხოვრე მე“ (ფს.118, 37).

— გვესაჭიროება თუ არა სჯულის კანონის მიხედვით ცხოვრება?

— წმ. ამბროსი ოპტინელის სწავლებით — „ქრისტიანული აზროვნების სიჯანსაღე მოითხოვს, რომ ჩვენ არა მხოლოდ ჩვენი ქცევები და საქმეები, არამედ აზრები და შეხედულებები შევუსაბამოთ სჯულის კანონს, წმ. მამათა კანონებსა და დადგენილებებს და ღვთის მცნებებს. ის,

რაც ჩვენში უფლის მცნებებთან და სჯულის კანონთან შეუსაბამო აღმოჩნდება, ჩვენ უნდა შევინანოთ და დავმდაბლდეთ ღვთისა და ადამიანთა წინაშე, ხოლო საკუთარ ქცევათა გასამართლებელ ახალ კანონთა გამოგონებას თავი ვანებოთ“.

— სჯულის კანონიდან რამდენიმე საკითხს ხომ არ მიუთითებდით ერისკაცთა გულისხმისსაყოფად?

— მე-6 მსოფლიო საეკლესიო კრების

ა) 62-ე კანონის განჩინებით:

— ... „არც მამაკაცმა შეიმოსოს დედაკაცის სამოსელი და არც დედაკაცმა — მამაკაცისთვის განკუთვნილი“.

— ასეთ შემთხვევაში ... „კლერიკოსის დამსობას ვბრძანებთ სასულიერო ხარისხიდან, ერისკაცი კი ... უზიარებლობით დაისაჯოს“.

შენიშვნა: კლერიკოსი (საეკლესიო ან სამღვდელო დასის წევრი).


ბ) მე-80 კანონის განჩინებით:

— თუ ვინმე ... ერისკაცი, რომელიც განსაკუთრებული, ან ისეთი შემაფერხებელი მიზეზის გარეშე, რომელსაც შეიძლება გამოენჯია ეკლესიაში მისი დიდი ხნით მოუსვლელობა, ... სამი შვიდეულის განმავლობაში და ზედიზედ სამ კვირა დღეს საეკლესიო შეკრებას დააკლდება, ... ეკლესიასთან ერთობიდან განიყენოს“.

წმიდა მოციქულთა

ა) მე-9 კანონის თანახმად:

„ყველა მორწმუნე, რომელიც ეკლესიაში შედის და წმინდა წერილს ისმენს, მაგრამ ბოლომდე არ ესწრება ლოცვასა და წმინდა ზიარებას, უზიარებლობით დაისაჯოს, — როგორც ეკლესიაში



უნესობის ჩამდენი“.

ბ) 69-ე კანონის თანახმად:

„ეპისკოპოსი, მღვდელი, დიაკონი, იპოდიაკონი, წიგნის მკითხველი ან მგალობელი, რომელმაც აღდგომის წინ წმინდა ორმოცეული, ან ოთხშაბათი და პარასკევი არ იმარხულოს, განკვეთილ იქნეს, გარდა იმ შემთხვევისა, როცა ხორციელი უძლურება ამის საშუალებას არ აძლევს. ერისკაცი კი ასეთივე ქმედებისათვის, ზიარებიდან განკანონებით დაისაჯოს“.

შენიშვნა: ერისკაცთათვის უზიარებლობით დასჯა, ანუ ეკლესიასთან ერთობიდან განყენება, გულისხმობს წმინდა ზიარებიდან განყენების გარდა, აგრეთვე, მორწმუნეებთან ერთად საეკლესიო მსახურებაში მონაწილეობის აკრძალვას. ამ სასჯელით განკანონებულს, მხოლოდ კათაკმევლებთან ერთად შეუძლია მსახურებაში მონაწილეობის მიღება, ე.ი. მორწმუნეთა ლიტურგიის დაწყებამდე.

ქვაშვეთის წმ. გიორგის სახელობის ტაძრის წინამძღვარი, თბილისის სასულიერო აკადემიისა და სემინარიის ლექტორი დეკანოზი ბიძინა (ბუნია)

ჩეხური მუსიკის გენიზ



მუსიკალურ-პოეტური საღამო





იღუმის წმინდა გიორგის ეკლესია

სარედაქციო კოლეგია: სვეტლანა ქეცბა, დეკანოზი ბიძინა (გუნია),
ლია სეხნიაშვილი, ალექსანდრე ფარფალია, ირინა ქეცბა
პასუხისმგებელი რედაქტორი ციცილო ჯულუხიძე

სსიპ „სულიერებისა და კულტურის ცენტრი“

მისამართი: თბილისი, რუსთაველის გამზ. #37, IV სართ. ტელ.: 93-17-20, 895-41-21-70. ტირაჟი: 500 ცალი